



87. ՉՈՒՄՆԵՆ ՍԵՐԸ

Ընում ա, չընում մին մարթ, մին կնեզ ըն ընում: Էտ մարթին ընում ա օխտը ախճիզ:

Մին օր էտ մարթին կնեզը մըհոնում ա: Տանը հոքսը ընգնում ա էտ մարթին յըրա: Էտ մարթը սգիրված ա ընում, վար մին թաղա կնեզ անե: Ըտենց էլ անում ա: Մին թաղա կնեզ ա պիրում:

Թաղա կնեզը օղում չի, վար էտ ըխճըկերքը ուրան քըշտեն ապրին: Նա միշտ սըվըրցնում ա մարթին, վար էտ խոխեքը ուրան աշկեն ըռաչան հըռցեն: Էտ խըեղճ մարթը սգիրված ա ընում կա-գարե կնգանը պահանջը:

Մին օր էտ մարթը նան կնեզը պայման ըն կապում, վար հոնց անին, վար էտ խոտցը հըռցենն ուրանց անա:

Էտ խարդախ կնեզը մարթին սըվըրցնում ա, ասըմ ա. — Էքյուց կասիս. «Ա՛ խոխեք, եկեք քյնանք քուլը, փաղ պիրինք»: Կտանիս խոտցը թողիս մին խոր ծորում, տու փաղ անիս, կյաս:

Էտ անճար մարթը ռազի յա կենում կնգանը խոսկին: Ըտրանա ետը տըհենց էլ անում ա: Քշըրհանը էտ մարթը ամման մին խոխեն հետե յոր ա օնում մին հաց, քյնամ ըն քուլը:

Էտ մարթն ասըմ ա. — Խոխեք, գյուգում ը՞ք հինչ կա, յըես ծեր պաժին հացը թուլուլ տամ, քյնացեք, ընդըղան պիրեք:

Դե խոխեքն էլ շատ սոված ըն ընում, քյնամ ըն թուլուլ տված հացեն հետան: Ուրուր հետա էտ մարթը հացերը թուլուլ ա տամ: Էտ խոխեքը քյնամ ըն ամեզը ուրանց հացը քթանում, օտում:

Մընում ըն էտ ծորումը: Միշնակ ախճիգը հացը օտում ա, պըրծընում: Մին քանե հետ ապա յա կանչում, վար ուրանց ըտեղան տուս օնե, ամմա վեչ մին սմս-սմմուր չի կյամ:

Հարը փաղ ա անըմ, էշին պեռնում, ուրան քյոհնա պենջակը թողում ծառան կախ տված, ինքը քյնում տոն, վար խոխեքը գլիդան, թա ուրանց ապան ընդեղ ա, վախեն վեչ:

Ըխճըկորանցը մեծ քերը ասըմ ա.— Վախում մեք, հեն ա ապան յալումը, հնե, պենջակը ըրեվում ա, եկեք քյնանք ապուն կոշտը:

Տահանք մին կերպ թումրավը պըցըրանում ըն, քյնամ, տեսում ապա, պան չիկա, մինակ քյոհնա պինջակն ա ըտեղ քըցած: Անգար մնացած ըխճըկերքը սկսում ըն լաց ինիլը:

Խխոցը հարը հըսնում ա տոն, ասըմ.— Ա' կնեգ, խոսկավըտ ընգի, տարի իմ ազիգ-պուզուզ խոխեքս թուղեցե անգար ընդերու են ծմակումը:

Խորթ մարն ասըմ ա.— Հողեմ քու խխոցըտ կըլիսը, նահանք հի՛նչ օքութ ին տլական մըեզ, հազըր մունք մինակ լավ կապրինք, մեր պիրանին թիքյան հալալ կինի:

Ամմա էտ մարթը միշտ թաքուն խխոցը դարդան լաց ա ընում, ամմա կնգանը վեջան չի ընում: Թողինք տահանք ըտեղ, խոսինք էն ըխճըկորանցն անա, տեսանք հի՛նչ տման:

Հացեն հետան քյնացած ըխճըկերքը ուրուր ծեն ըն տամ, քթանում, ճընապարհվում ըն բիդա մին շեն:

Քյնամ ըն քյնամ, տեսնըմ ըն մին իշեղ ա ըրեվում: Մեշնակ ախճիգը ասըմ ա.— Ա' քեր, էն ըրեվող ճրաքը հենց ա շենու ճրաք ինի, քյնանք, քըշերը կըմընանք ընդեղ: Մըեզ կյուլերը օտեկ չը՛ն:

Քյնամ ըն, հըսնում մին կյումի, վրդեղ վար թաքավերեն ծիանքն ա ընում կապած, շամիչըն էլ առաչին ածած: էտ ըխճըկերքը քյնամ ըն կյումեն կտերը ուրուր կոխկե սոված նստում: Լոխճան պուճուր ախճիգը կլիսը տինում ա մեծ քվորը ծնգին, սկսում ա վըեղը քանգիլը: Մին չամենչ ա քթանում, ասըմ ա.— Ա' քեր, հըսե ըտեղ քընդեցե, մին շամենչ քթա:

էտ պուճուր ըխճըկանը լոխ էլ եշում ըն, ուրանք էլ մին չուի ըն յոր օնում, սկսում կյումին ըխպըհարը քանդիլը: Ըտեղ լոխ էլ չամենչ ըն քթանում, օտում: Քնդելավ մին ծակ ա պենվում:

Մեծ քերը ասըմ ա.— Հու կըմըտեն էս ծակավը, տեսնա մեշին չամենչ կա՞, տուս օնե, պիրի օտենք:

էլհա պուճուր ախճիգն ա նի մնում, տեսնում թաքավերեն

ժիւանքը կապած, չամենչըն էլ առաջնին ածած: Կյոքը մին լնւ շնմ-
շնւ լըցնում ա, տնւս կյամ, պիրում տամ մնացած քվորցը, օտում
ըն, ըտեղ էլ ապրում:

Մին օր թաքավերը ուրան նազիր-վնզիրին ասըմ ա.— Միս
պեր նըստիմ, քննամ ըմ կործավ օրիշ տըեղ:

Մին պիրում ըն: Թաքավերը տեսնում ա լըղարած:

Նազիրին ասըմ ա. — Թն միչև մին էրկու օրը գըղանցեր վեչ,
թն հո՞ւ վա ետ չամենչը օտում, քըեզ կործա հնական ըմ:

Մին քշեր ծիապանը ախոռումը կյողլ ա կենում, տեսնում
էն ա մին կուճուր ախշիգլ, կինար մին տաս տրեկան, նի մըտավ
կյումը, կյոքը շնմշնւ լցավ, օղից վար ծակավը տնւս կյա:

էտ վախտը նազիրը մըտածում ա, ասըմ ա. «Բոհողան փըռնիմ,
կըվախե, պնց թողիմ, ծիլին վնաս ա»:

Որոշում ա, վար դինշ մուտանա, ասե. «Տու հո՞ւ վըս»:

Նազիրը կենում ա, էտ ախճիգլը տնւս ա կյամ կտերը, ինքն էլ
ա տնւս կյամ, ասըմ. — էտ հի՞նչ իլլթ-միլլթ ըք, վար առանց
հըրցընելե թաքավերեն ծիլին փայը յոր ըք օնում, օտում, ծիլին
մըշվըցնում:

Մեծ քվերքը նաղլ ըն անըմ, վար ուրանք եթիմ խոխեքլ ըն,
խորթ մոր դարդան ընգալ ըն ըտեղեքլ:

Նազիրն ասըմ ա.— Մեր թաքավերը լնա արհեստավերի հե-
տա յա շոռ կյամ, վար կործ տա, պահե:

Ըխճըկերքը ասըմ ըն. — Վախըմ ընք, թա մըեզ խափիս,
տանիս, մըեզ կտորել տաս:

Նազիրը տահանց ըրխըյնըցընում ա, թաքավերեն կոշտը տա-
նըմ, ասըմ.— Թաքավերն ապրած կենա, քըթնլ ըմ ծիլին չամենչը
օտողներեն:

Թաքավերը էնքան պարի մարթ ա ընում, վար տահանց մին
ցորտ խոսկ էլա ասում չի, անշախ պիրում ա տահանց լնւ ուտըց-
նել տամ, լնւ կյենալի շորեր ա տամ տահանց, ամեն մինին էլ մին
կործի յա տընում: Պտի ասիմ, վար էտ ըխճըկորանցը մեչին պուճուր
ախճիգլը լոխան կյեղեցիկըն ա ընում: Տրան թաքավերը կըռնարածի
կործ ա տամ:

Մին օր էտ ախճիգլը կյառները տանում ա հանդը, համ էլ իլիգլ
ա մանըմ: Մին օր հանդին մին չորան տեսնում ա էտ ըխճըկանը,
սկսում ա ընդրա նհետ սեր փշրիլը:

էտ ախճիգլը ասըմ ա.— Տա իմ պնը չի, թաքավերան հըր-
ցըրու:

Չորանը քնում ա թաքավերեն կոշտը, ասում.— Թաքավերն ապրած կենա, թողեր սերտըս պաննամ քշտետ:

Թաքավերը թուլ ա տամ: Չորանը նաղլ ա անում, վար ինքը սիրում ա կյառնը պահող ըխճըկանը: Էն ախճիգյն էլ ուրան ա սիրում:

Թաքավերն ասում ա. — Ա՛յ չորան, թա՛ կարաս կատարիս իմ ըսըծնես, ախճիգյը քընգ ինի: Քընգ տամ ըմ էրկու չըվալ ցորեն, թա՛ կարաս մին օրում համ վարիս, համ հըսցընիս, համ հնձիս, կալ-սիս, ցորեն շինիս, աղճիգյը քընգ ըմ տըլական:

Չորանը տխուր-տրտում քնամ ա շադու պառավեն կոշտը: Պառավը նրան թա՛հրերը լոխ սըվըրցընում ա, համ էլ մին կախարթական մուտանա յա տամ էտ չորանեն, ասում.— Կըքնաս մին հանդըմ վըեննը կենաս, սրտիտ օղածը մուտանեն ասիս, նա լոխ կադարիլու յա:

Չորանը քնում ա, մին մեծ դուզում վըեննը կենում, ուրան սրտին դարդը ասըմ մուտանեն, տա էլ կադարում ա: Մին օրվա մեչի ցորենը հըվաքում ա, ածում չըվըլնեն, պիրում թաքավերեն տոնը:

Ասում ա. — Թաքավերն ապրած կենա, հրամմանըտ կըդարալ ըմ, ախճիգյը տամ ը՛ս, թա՛ տամ չըս:

Թաքավերն ասում ա.— Հալա՛ չէ, մին պան կա, վար ըն էլ կադարիս տըլական ըմ: Ա՛յ չորան, թա՛ կարիս շվետ ըծելավ վըխճըր-նենն պըցըրցընիս ըշտըրական կլոխը, ախճիգյը քունն ա:

Չորանը քնում ա, նըստում թաքավերեն շինիլ տված ըշտա-րական կլխեն, սկսում շվեն ածելը: Վըխճըրենն պըցըրանում ըն, պըցըրանում, մին կոտրած տեղ ըն հսնում, ընդեղ էլ լհա՛ ուրուր հետա վեր ըն տանում, սըտկոտում:

Չորանը երե զուլան ասում ա.— Ախճիգյը տամ ը՛ս, թա՛ չէ:

Թաքավերն ասում ա.— Վար տու կըրեցալ չըս քու շվետ ըծե-լավ վըխճըրենն հըսցընիս քու կոշտըտ, ախճիգյը քընգ չի հըսնիլ:

Չորանը տըեսնում ա, վար հըսավ վեչ ուրան նպատակեն, ու-րան աշտարական քցում ա տափը, տըհենց էլ մեռնում ա:

